


# Het voer een visscher visschen

Het Oude Nederlandsche Lied (1903)



2.

'Och visscher,' seyde si, 'visscher!  
waer toe draecht ghi uwen moet?'  
- 'Al totter huebscher deerne,  
dat dunct mi wesen goet.'

3.

- 'Och visscher,' seyt si, 'visscher!  
wat visch hebt ghi ghevaen?  
So verre aen geen groen heyde  
daer ist goet visschen gaen.'

4.

- 'Aen gheender groender heyde,  
daer leyt dien couden snee,  
daar vriesen mi handen ende voeten,  
mijn hoofd doet mi so wee.'

5.

- 'Vriesen u handen ende voeten,  
doet u u hoofd so wee,  
so gaet al inder stoven,  
daer en vrieset nemmermeer.'

6.

Mer doen die loose visscher  
al inder stoven quam,  
doen bestont hi haer te vraghen  
na haren getrouden man.

7.

'Wat hebt ghi mi te vraghen  
na mijnen getrouden man?  
mijn man is al inder kercken,  
hi bidt Gods heylighen an.'

8.

- 'Is u man al inder kercken  
oft inden coelen wijn,  
so laet ons eten ende drincken  
ende laet ons vrolijck sijn!'

9.

Mer doen si saten ende aten  
doen quam haer eygen man;  
doen docht die loose visscher:  
hoe come ic nu van dan?

10.

Dat vrouken was behendich,  
si goot haer vischsop wt;  
doen spranc die loose visscher  
ter hoochster veynsteren wt.